

Te Hakari Tapu



Te Hakari Tapu

Te Whakawhetai me te Whakamoemiti

Te Minitatanga O Te Kupu Me Nga Inoi (pg 476)

Te Whakatikatika

[Nga Mihi](#)

Kaikarakia - E Tu Whanau

E te whānau a te Karaiti,
ko tātou nei tōna tinana, e mahi nei i te ao,
naumai, haere mai, ki tōna ahurewa tapu.

E mihi ana ki a koutou kua karangatia nei
hei tote, hei māramatanga mo te ao,

i roto i to koutou tohinga,

Kia koa, kia hari.

*Whakamoemitia te Atua, te Kai-homai o te tūmanako,
te Kai-hohou i te rongo.*

Amine.

Kia hari tahi tātou.

**Ko Ihu Karaiti te māramatanga,
te mātāpuna o te ora.**

Ki a ia te whakamoemiti, te korōria,

i tonoa mai nei, e te Matua,

hei whakahou i te ao,

hei huri i te wai hei waina,

hei whakatahuri i te ngākau

kia tū-tapu ai ki tōna aroaro.

**Tāpaea atu o tātou ngākau ki a te Karaiti,
nāna nei i whakatinana te kupu
hei toko i te ora.
Korōria ki a koe, e te Karaiti,
whakatapua mai mātou.**

He Waiata Whakamoemiti
Ko te Karaiti te Waiora,
E horoi nei, e whakahou nei i nga mea katoa.
Ko ia te Taro-o-te-Ora,
Hei Kai ma te hunga Matekai,
Hei Kaha mo te Manene, mo nga Kai-mahi.
**No reira mātou ka tāpae ki a koe
I a mātou whakamoemiti.
Mo Ranginui i runga nei, mo Papa-Tuanuku e takoto nei.
Mo nga Maunga whakahii, mo nga Puke-kōrero
Mo nga Tai-mihi-tāngata, mo nga Moana e hora nei.**

No runga nga homaitanga papai katoa
Tukua mai-kia aio nga rangi i runga
Kia tuku te puehu o Papa-Tuanuku e takoto nei.
Kia whakapapa pounamu te moana
Kia hora te marino ki Aotearoa-whānui.

**Kia whakapaingia a te Karaiti,
Mo nga tūpuna mātua, mo te hunga tapu.
Nga totara Whakamarumarū, nga Toka Tūmoana,
Nga Kākā Wahanui, nga Puna Roimata.
Kia tiaho te māramatanga ki a rātou,
Kia au ta rātou moe.
Korōria ki te Atua.**

Te Hohou-i-te-rongo (pg 478)

E te whānau a te Karaiti, i te mea kua hara tātou,
whakatata mai ki te hohou i te rongo.

Nohopuku

He aroha to tātou Atua.

**E te Atua aroha e mōhio nei ki nga mea katoa,
whakaarahia mātou i roto i o mātou ngoikoretanga.
Aroha mai i o mātou takanga ki te hē;
i o mātou whakaaro, i a mātou mahi,
tohungia mātou.**

Priest

Ma te Atua e muru o koutou hara; kia mau te rongo.

Nohopuku

Kia koa, kia hari,
ko te Karaiti te aranga, te tāroi o te riri.

**Ko te Karaiti te pou herenga waka,
Whakapaingia te Atua to tātou Kai-hanga,
Whakapaingia te Atua to tātou Kai-taurima,
Whakakapaingia te Atua to tātou Kai-ūnga ki te ao whānui.**

E noho

Kaikarakia

Sentence & Collect of the Day

Kaupapa o te ra nei

Waiting in Joy

Te Rarangi o te ra – Sentence of the Day

Watch and be Ready, for you do not know on what day your Lord is coming. (Matthew 24:42, 44)

Nga Inoi o te ra – Collect of the Day

God our desire and our Judge, we look for your coming and know that when we meet you we will have to account for our lives. Assist us to live so we are ready to greet our Lord with Joy, fully prepared for the feast which lasts forever. We ask through Jesus Christ our Lord, who lives and reigns with you and the Holy Spirit one God now and forever. **Amen.**

Nga Whaikorero

Nga Karaipiture

The Old Testament Reading: Amos 5: 18-24

After the reading...

Reader: Hear what the Spirit is saying to Church.

All: **Thanks be to God**

The Epistle Reading: 1 Thessalonians 4: 13-18

After the reading...

Reader: Hear what the Spirit is saying to Church.

All: **Thanks be to God**

E Tu

Himene - Gradual Hymn

Himene 249 (pg 40 Red Book) – *Turn your eyes upon Jesus*

Turn your eyes upon Jesus
Look full in His wonderful face
And the things of earth
Will grow strangely dim
In the light of His glory and grace

Te Rongopai - Matthew 25: 1-13

Before the reading...

Reader: The Holy Gospel according to

All: **Praise and glory to God**

After the Reading...

Reader: This is the Gospel of Christ *Te Rongopai*
tenei a te Karaiti

All: **Praise to Christ, the Word.**
Whakamoemititia ia, te Kupu Mana

E Noho

He Tikanga Whakapono (pg481)

Ko koe, e te Atua tapu, te **tino Atua**,
Nou te mana, te ihi, **te wehi**.
Nou te ao, te mauri, **te ora**.
Nau te katoa, i te rangi, i te whenua.
Ko koe tonu **te Atua**.

Ko koe te maramatanga **o te ao**,
I tiaho ra koe i roto i **te pouri**,
Kia puta ake tau Tama ko Ihu **Karaiti**
Hei pou tokomanawa mo te ao
Ko koe tonu **te Atua**.

Ko koe te Wairua **Tapu**,
Ko koe **taku rakau**,
Ko koe taku **tokotoko**,
Ko koe taku oranga **ngakau e**,
Ko koe tonu ra **te Atua**. Kororia **ki a koe**.

Nga Inoi a te Iwi / Nga Takawaenga Me Nga Whakawhetai (pg 482)

Kia whakapainga koe e te Atua ora tonu,
Ki a koe te whakamoemiti, te Kororia mo ake tonu atu.

E te Matua i te rangi, whakarongo ki a matou inoi, kia whakakotahitia tau Haahi
Meinga matou kia kotahi kia Whakapono ai te ao.

Meinga nga tangata katoa o te Haahi kia mahi ki a koe i runga i te ngakau pono i te nga kau iti.
Kia tiaho ai te ahua o te Kairaiti i roto i a matou.

E maumahara ana matou ki te hunga kua mate.
E te Matua, ka tukua atu Ratou e matou ki ou ringa.

E Whakapai ana matou kia koe mo au hunga tapu katoa kua uru atu nei ki tou kororia mutungakore.
Meinga matou kia whai wahi ki tou rangatiratanga i te rangi.

Titiro atawhai mai ki te hunga e pehia ana e te mauuiui, e te pouri, e te raruraru ranei.
I raro i tou maru, whakakahangia ratou.

Titiro atawhai mai ki o matou kainga, whanau hoki.
Meinga kia puawai tou aroha i roto i o matou ngakau.

Meinga matou kia aro ki nga mea e matea ana e o matou hoa tata.
Awhinatia mai matou kia kotahi ai i roto i nga hari, i nga mauuiui o te iwi.

Tohaina mai tou Wairua, a arahina hoki te hunga kawē
tikanga i roto i nga iwi o te ao.

**Arahina matou, nga iwi katoa hoki I nga huarahi o te tika, o
te rangimarie.**

Whakakahangia te katoa e minita ana i runga i te ingoa o te
Karaiti.

Meinga matou kia hihiko ki te kauwhau i tau Rongapai.

Tatou ka inoi puku mo nga mea e matea ana e tena, e tena....

Collect

E te Atua, te Whakawhetai, te Whakapai, te whakamoemiti,
ki a koe;

I aro mai koe ki a matou e tahuri atu nei.

Meatia kia puawai to aroha ina inoi matou ki a koe.

Kororia ki a koe.

*Kua akona nei tatou e to tatou Ariki,
ka inoi tatou.*

E to matou Matua i te rangi, Kia tapu to Ingoa.

Kia tau mai tou rangatiratanga.

Kia meatia tau e pai ai ki runga ki te whanua,

Kia rite ano ki to te rangi.

Homai ki a matou aianeī he taro ma matou mo tenei ra.

Murua o matou hara, me matou hoki e muru nei i o te hunga
e hara ana ki a matou.

Aua hoki matou e kawea kia whakawaia;

Engari whakaorangia matou i te kino:

Nou hoki te rangatiratanga, te kaha, me te Kororia,

Ake ake ake. Amine.

Te Minitatanga O Te Hakarameta

Te Maungarongo

E tu

Kia whakapaingia a te Karaiti, te Ariki o te rongomau.

E turaki nei i nga tau-ārai o te wehe.

Kia tau te rangimārie o te Atua ki a koutou.

Kia whakapaingia te Karaiti e tuitui nei i a tātou i roto i te rongomau.

Te Whakatikatika i Te Ohaoha

Himene – Offertory Hymn

Te Whakawhetai nui

Kua ara a te Karaiti!

He pono tonu, kua ara a Ia.

Whakareia o koutou ngākau ki te rangi

kei reira nei te Karaiti kei tōna ahurewa tapu.

Kia whakapaingia te Atua.

He mea tika kia tāpaea te whakapai, te whakamoemiti.

Ko te hari mo to mātou whakaoranga,

e te Atua o Tua-whakarere,

ki te tuku whakawhetai ki a koe

i roto i a Ihu Karaiti.

Pāoho ana tāu kupu, `Kia tiaho te mārāma';

na, ka mārāma.

E tiaho tonu nei tōu mārāmatanga i roto i to mātou pouri.

Nāu i pou te mauri-ora mo nga mea katoa.

Nāu hoki mātou i waihanga,

ki te whakarongo ki tāu kupu,
ki te mahi i tāu i pai ai,
kia eke ai ki te taumata o tōu aroha.
He mea tika kia whakapaingia koe.

Nāu i tonono mai tāu Tama
hei ara whaingā ma mātou,
hei pono e manakohia ana e mātou.

I tukua mai e koe tāu Tama
kia whakamatea hei toha i te ora,
hei wewete i o mātou hara.
Kua unuhia o mātou hē e tōna rīpeka.

I tonono mai tōu Wairua Tapu
hei whakakaha, hei arataki,
hei whakatūpato, hei whakahou i tāu Haahi.
Waihoki, i tēnei roopu whakaatu
e karapoti nei i a mātou,
ko tōna rite ki nga whetū, te taea te tatau,
ka whakamoemiti mātou i runga i te ngākau aroha,
i te ngākau hari,
mōu i waihanga, i karanga i a mātou,

**E te Atua tapu rawa, mahi tohu,
tino tapu, tino tika,
nōu te korōria, nōu te purotu.
Korōria ki a koe, e te Atua,
te Runga rawa,
te Atua māhaki.**

E te tino Tapu, ka whakapaingia koe, i roto i tāu Tama
i tūohu nei ki te horoi i nga wae o āna ākonga,
te tohu o te Kai-mahi tūturu.

I te pō i mua i tōna matenga
ka tango ia i te taro ka tuku whakawhetai ki a koe.
Ka whawhati, ka hoatu ki āna ākongā, a, ka mea:
Tangohia, kainga, ko tōku tinana tēnei ka hoatu nei mo
koutou
meinga tēnei hei whakamahara ki ahau.

Ka mutu te hapa, ka mau ia i te kapu,
ka tuku whakawhetai ki a koe,
ka hoatu ki a ratou, a, ka mea:
Inumia tēnei, ko ōku toto o te Kawenata hou
i whakahekeā mōu, mo te katoa,
hei murunga hara,
meinga tēnei hei whakamahara ki ahau.

No reira ma tēnei taro me tēnei waina ka maumahara mātou
ki āu painga ki a mātou.

**Te Atua o nga wā katoa,
e maumahara ana mātou ki tāu Tama.
Ka whakawhetai mātou,
mo tōna rīpekatanga, me tōna aranga mai.
Ka whakamanamana mātou mo tōna whakareanga.
Ka tūmanako ki tōna haerenga mai i runga i te korōria,
I roto i a ia, ka mau tonu mātou ki a koe.**

Whakahāngia iho tōu Wairua Tapu,
Meatia tēnei taro, ko te tinana tonu,
tēnei waina, ko nga toto tonu o te Karaiti.
Kia tūhono ki tōna tinana,
Kia ū ai mātou ki roto i te aka pono.

**Ka aru mātou i a te Karaiti,
Tui, tui, tuituia mātou
Tuia ki te mamae.
Tuia ki te tūmanako,
Tui, tui, tuia ki te ora.**

Kei a koe, e te tapu o te rangi,
te orokohanga rā anō o te ao,
te tīmatanga, te otinga,
te arepa me te omeka.

**Kei a koe, te whakapai, te korōria, te aroha,
I tēnei rā, i tēnā rā,
Mai i a mātou, mai i te katoa,
I konei, i nga wāhi katoa. Amine.**

Häkari Tapu

Te tinana o te Karaiti i whatiia mo tätou.

Ko la te taro o te ora.

I maringi öna toto hei murunga hara.

Kua ara mai te Karaiti i te mate.

Te Pöwhiri

Haere mai e te kähui a te Atua,

tangohia ēnei kai rangatira a te Karaiti.

Communion Hymn

Nga inoi mo Muri i te Hapa

Whakapaingia te Atua e whakamine nei i a tātou.

Whakamoemititia te Atua kua kotahi nei tātou.

Whakapaingia te Atua e hohou nei i te rongo.

Whakamoemititia te Atua ko ia te tūmanako te herekore.

Whakapaingia la kua hora nei tāna kupu.

Whakamoemititia ia, koia nei te aroha.

Whakapaingia la nāna nei tātou i karanga.

Waihangatia mātou,

kia rite ki tōu ake te āhua.

Manakohia e te Atua a mātou whakahere, whakamoemiti.

Ko tāu rourou, ko taku rourou, ka mākona mātou.

Blessing – (Pihopa... *if present*)

Te Haerenga Atu

Haere i runga i te aroha. Haere i runga i te rangimārie.

Amine. Ka haere matou i runga i te ingoa o te Karaiti.

Kororia ki te Atua.

Himene – Mutu